



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliarvm Omnium Generalivm Et Provincialivm Collectio Regia

Ab anno MCXVIII. ad annum MCLXXIX.

Parisiis, 1644

I. Qualiter diuinum officium audiant.

urn:nbn:de:hbz:466:1-15588

cienſis, abbas Pontiniaceniſis, abbas Trium fontium, abbas ſancti Dionyſii de Rhemiſ, abbas ſancti Stephani de Dione, abbas Moſeſ. . . . ſupra nominatus abbas Bernardus Claraualleniſis non defuit, cuius ſententiam præſcripti libera voce collaudabant. Fuerunt autem & magiſter Albericus Rhemenſis, & magiſter Fulgerius, ac complures alii, quos longum eſſet enumerare. Ceterum vero de non literatis idoneum nobis videtur vt teſtes amatores veritatis adducantur in medium. Comes Theobaudus, comesque Niuerneniſis, ac Andreas de Bandineto, intentiſſima cura quod erat optimum ſcrutantes, quod eis videbatur abſurdum temperantes, in Concilio ſic aſſiſtebant. Ipſe vero magiſter militiæ, Hugo nomine, reuera non defuit, & quosdam de fratribus ſuis ſecum habuit, verbi gratia, fratrem Godefridum, fratrem Rorallum, fratrem Gaufridum Biſol, fratrem Paganum de monte Deſiderii, Archembaudum de ſancto Amano. Iſte vero magiſter Hugo cum ſuis diſcipulis modum & obſeruantiam exiguæ inchoationis ſui militariſ ordinis, qui ab illo qui dicit, *Ego principium, qui & loquor vobis*, ſumpſit exordium, iuxta memoriæ ſuæ notiſiam ſupra nominatiſ patribus intimauit. Placuit itaque Concilio vt conſilium ibi lima & conſideratione diuinarum ſcripturarum diligenter examinatum, tamen cum prouidentia papæ Romanorum, ac patriarchæ Hieroſolymitarum, nec non etiam aſſenſu capituli pauperum commilitonum Templi, quod eſt in Ieruſalem, ſcripto commendaretur, ne obliuioni traderetur, & inenodabiliter ſeruaretur, vt recto curſu ad ſuum Conditoreſ, cuius dulcedo tam mel ſuperat, vt ei comparatum velut abſynthium ſit amariffimum, peruenire digne mereantur, præſtante cui militant, & militare queant per infinita ſæculorum ſæcula. Amen.

Ican. 8.

INCIPIT REGVLA PAVPERVM
COMMILITONVM SANCTÆ CIVITATIS.

I.

Qualiter diuinum officium audiant.

Vos quidem propriis voluntatibus abrenuntiantes, atque alii pro animarum ſalute vobiſcum ad terminum

ANNO
CHRISTI
1157.

num cum equis & armis summo regi militantes, Matutinas, & omne seruitium integrum, secundum canonicam institutionem, ac regularium doctorum sanctæ ciuitatis consuetudinem, pio ac puro affectu audire vniuersaliter studeatis. Idcirco vobis, venerabiles fratres, maxime debetur, quia præsentis vitæ luce despecta, contemptoque vestrorum corporum cruciatu, sæuientem mundum pro Dei amore vilescere perenniter promisistis, diuino cibo refecti ac satiati, & dominicis præceptis eruditi & firmati, post mysterii diuini consummationem nullus pauescat ad pugnam, sed paratus sit ad coronam.

II.

Quot orationes dominicas, si Dei seruitium audire nequiverint, dicant.

Ceterum si aliquis frater negotio orientalis Christianitatis forte remotus (quod sæpius euenisse non dubitamus) pro tali absentia Dei seruitium non audierit, pro Matutinis tredecim orationes dominicas, ac pro singulis horis septem, sed pro Vesperis nouem dicere collaudamus, ac libera voce vnanimiter affirmamus: isti etenim in salutifero labore ita directi non possunt accurrere hora competenti ad diuinum officium; sed, si fieri potest, horæ constitutæ non pratereant ante institutum debitum.

III.

Quid agendum pro fratribus defunctis.

Quando vero quilibet fratrum remanentium morti, quæ nulli parcit, impendit quod est impossibile auferri, capellanis ac clericis vobiscum ad terminum caritatiue summo sacerdoti seruiantibus, creditum officium & Missam solenniter pro eius anima Christo animi puritate iubemus offerre: fratres autem ibi adstantes, & in orationibus pro fratris defuncti salute pernoctantes, centum orationes dominicas vsque ad diem septimum pro fratre defuncto persoluant: ab illo die quo eis obitus fratris denuntiatus fuerit, vsque ad prædictum diem, centenarius numerus perfectionis integritatem cum fraterna obseruatione habeat. Adhuc nempe diuina ac misericordi caritate

Concil. Tom. 27.